

器六件。陶器及尸骨均不整齊，或亦係被土人盜掘也。時已薄暮，即收拾返棚。在余等今日初次工作古墳，即得若干之古物而歸，慶幸曷可言喻。但同時今日遇一有興趣之失敗，亦補述如次。

余除派大隊工作溝西古墳外，另派工人五名，由汗木多利率領，清理城北未完之畏兀兒居宅。

插第
三圖

在城北一高

塔之前面，有長狹井坑一線，土微陷，必爲死者入墓之路。即從事掘發，半途出大瓦缸一口，高四尺，圍亦三尺許，頸有草繩繫之，無墓表及他物。復向前工作，約長二丈許，即抵墓門。啓門入，中顯寬大之墓室，寬長六尺許，高亦五尺，四面中凹，形同蓮瓣，因頂已被水冲陷，中無一遺物可資考驗。但余決相信爲死者墓室，後在雅爾崖古城之南部，及二堡古城中，亦有同樣建築之發現。據本地土人云，此中曾發現古物甚多。汗木多利亦云然，並云有時在塔下，亦曾發現類此之建築。故余頗疑此爲大僧侶或貴人死後埋藏之所。其形式或受印度佛教影響，與溝西之染漢化者不同也。至墓道中之大缸作何用耶。審其形質，爲北魏末年之遺物。然決非此墓道中所固有，或由他處移藏於此者也。現此物已送吐魯番縣署保存矣。

二、史塋。在三月二日至四日，爲纏民年節，余亦循例休息三日。五號繼續工作。加至二十人，仍工作溝西墳塋。一行清理麴塋之第四、五、十、十一各塚，均有少許之收獲。大隊人員工作史塋。史塋在麴塋之西北隅，有古墳五塚，集